


醫籍攷

卷七十二
方論五十

十正
2
36



武
2
36

丸
氏圖書

問氏
齋

圖書

醫籍考卷七十二

東都 丹波元胤紹翁 編

方論五十

亡名氏婦人嬰兒方

漢志十九卷

佚

黃帝素問女胎

隋志一卷

佚

黃帝養胎經

隋志一卷

佚

張仲景療婦人方

隋志一卷

佚

衛氏沈婦人胎藏經

佚

按右見于太平御覽張仲景方序

范氏闕名療婦人藥方

七錄十一卷

佚

亡名氏雜湯丸散酒煎薄貼膏湯婦人少小方

七錄九卷

佚

徐氏文伯療婦人瘕

隋志一卷

佚

亡名氏療婦人產後雜方

隋志三卷

佚

產乳書

隋志二卷

佚

產經

隋志一卷

佚

按丹州公醫心方所引產經與時賢書不同蓋此書也

王氏^琛推產何時產法

隋志一卷

佚

雜產書

隋志六卷

佚

生產符儀

隋志一卷

佚

產圖

隋志二卷

佚

雜產圖

隋志四卷

佚

按以上八種見于五行家

宇文氏

士及粧臺記崇文總目作妝臺方

宋志六卷

崇文總目作一卷

佚

舊唐書宇文士及傳曰宇文士及雍州長安人隋右衛大將軍迷子化及弟也開皇末以父勲封新城縣公隋文帝嘗引入臥內與語奇之令尚煬帝女南陽公主從太宗平宋金剛以功復封新城縣公妻以壽光縣主仍遷秦王府驃騎將軍

又從平王世充竇建德以功進爵郢國公遷中書侍郎再轉太子詹事太宗即位代封倫為中書令尋以本官檢校涼州都督貞觀七年卒贈左衛大將軍涼州都督陪葬昭陵

楊氏粧臺寶鑑集

宋志三卷

佚

宋志註曰南陽公主

亡名氏婦人方

舊唐志十卷

佚

婦人方

舊唐志二十卷

佚

俞氏寶小女節療方

舊唐志一卷

佚

亡名氏小女方

舊唐志十卷

佚

小女雜方

舊唐志二十卷

佚

崔氏

知悌

產圖

崇文總目作產鑑圖

新唐志一卷

佚

按右一書見于五行類

許氏

仁則子母秘錄

宋志作張傑

崇文總目十卷

佚

咎氏

殷

產寶

宋志三卷

佚

周頌序曰頌聞至靈者人最重者命人皆知命之所重而不知養命之方天年未終疾病攻奪嗟呼世無良醫著述則急難倉卒尋醫其舛誤多矣醫之中惟產難爲急子母命懸在片時頌勤志方書常思救療每覽名醫著述皆誌於心且夫男女構精陰陽分氣就中女弱疾狀頗多蓋其稟柔質以爲人有血藏而抱育妊娠之內導理有常至於飲食之間動靜之際尤多制忌以節情及乎既產鮮保安者蓋是損觸藏府傷動筋骨將理稍失疾患便生更值盲醫取次下藥致其所

苦積漸懸危日後一日亟至于死可不痛哉故易曰天地之大德曰生則知在天地之間以生育爲本又豈因生產而反危人之命乎自惟攝理因循藥餌差謬致其產婦不保安全且婦人生產方二三次血氣未衰飲食易進但能節性則無病生縱或偶有微疴不難醫治至於四五次迨乎七八次傷敗已深血氣衰微子藏虛弱穢敗內滯風邪外攻有病生宜須審療醫若不子細疾使危治此醫殺之理甚明矣且士俗之家婦人產後復乳其子產既損氣已甚乳又傷血至深靈命耗神莫極於此稍失常理便合急醫或以家貧不及厚賂醫者醫者怠慢須臾困篤吁人之生產非小事也而醫者圖

財侮而致死此醫殺之理又明矣且夫產前產後血氣未寧一疾苟生百疾同作古人所以著方論於產乳者正在於此也至若鯉魚阿膠能治胎動芎藭當歸善療胎痛祇如胎動胎痛非一理也有因母疾而胎動者因胎不堅固而自動者痛亦如之此畧舉大綱蓋須知醫者之功也降及地黃益血生薑助氣芍藥止痛黃耆補虛用之得門其效如聖用之失理不如不醫乃知醫人不可苟作題以此疾心常思著方以濟危急而學解不博未能自信所以偏採產術志在廣行復見咎殷產寶深入醫門乃大中歲相國白敏中傷茲婦人多患產難詢訪名醫思救人命或人舉殷相國迎召問其產乳

殷乃撰方三卷贄於相國相國重其簡要命曰產寶此方雖存得者甚少題志在愈疾常恨不家藏一本故輒敢序之蓋欲開其眾聽凡五十二篇三百七十一方兼拾咎氏之遺作小論三篇次於序末庶幾妊娠之家自得覽斯為家內明師爾時丁巳歲秋八月序

趙希弁曰產寶二卷右偽蜀咎殷撰產乳備驗方藥二百七十八首

馬端臨曰產寶二卷晁氏云唐咎殷撰殷蜀人大中初白敏中守成都其家有因免乳死者訪問名醫或以殷對敏中迎之殷集備驗方藥三百七十八首以獻其後周頊又作三論

附于前

陳自明曰產寶方乃朱梁時節度處官咎膺所撰

按弟堅曰大中初白敏中守成都咎殷贊以是書考唐書敏中大中六年為劍南西川節度使治五年徙荆南而趙氏讀書志稱偽蜀咎殷撰此因其蜀人以訛者藝文畧更有產寶三卷云偽蜀周頔撰此以頔增益誤為二書然據此頔唐季遺民序所稱丁巳即建寧四年也益知殷為唐人陳自明所稱未知何據也是書久佚唐慎微陳自明諸家徵引頗夥猶多挂漏惟散見醫方類聚中者條理較詳尚可哀錄蓋證以旁見他書者似十

得八九矣宋志作三卷頔序亦同云五十二篇三百七十八首讀書志作二卷二百七十八方然類聚所收猶有三百二十餘方篇目之數亦合則後志兩二字為誤寫明矣友人船橋經中恒從類聚錄出以經閉帶下並妊娠為上卷以坐月產難為中卷以產後諸證為下卷周頔所作小論其可辨識者自明所引一篇餘難得考

楊氏歸厚產乳集驗方

宋志註曰歸一作師

新唐志三卷

佚

唐志註曰楊歸厚元和中自左拾遺貶鳳州司馬終虢州刺

史方九百一十一

時氏賢產經

一卷

存

楊氏全迪李氏壽集產後論舊失撰人名氏今據藝文畧訂補

宗文總目一卷

佚

王氏守愚產前後論藝文畧作王守忠

宗文總目一卷

佚

亡名氏集產後十九論

宗文總目一卷

佚

家寶義囊

宗文總目一卷

佚

王氏嶽產書

藝文畧一卷

存

按是書久佚特朝鮮國醫方類聚中所收殆為完壁第

堅錄出以爲一卷可謂發幽光於數百年湮晦之餘鄭
汝明產經跋曰衡陽宋居士云舊日王岳產經湖南漕
使陳公傳良親跋於後今檢止齋集不錄其文類聚中
亦失載

楊氏康侯十產論

存

楊康侯曰凡生產先知此證庶免子母之命折於無辜也世
之收生者少有精良妙手多致傾命予因傷痛而備言之

郭氏替中婦人產育保慶集

宋志一卷

鄭汝明曰昨得相潭陳友
直施本二十一論乃大觀間
郭替中集不云何許人作
至紹興辛亥錢板印施屢
試神驗起死回生效有萬
全

佚

李師聖序曰余收產論二十一論議論精確無所不充蓋國
醫博士極方書所得之妙惜乎有其說而無其方郭君替中
爲時良醫尤長於治產故其切脈用藥屢獲奇効一日願以
所收家方附於諸論之末遂爲完一真集衆益之異書也古
人論人子而不學醫者爲不孝則有方論而不傳于世者其
可謂之仁哉

杜氏菽附益產育保慶集

書錄解題一卷

佚

陳振孫曰：濮陽李師聖得產論二十一篇，有其說而無其方。醫學教授郭稽中以方附諸論之末，遂為全書。近時括蒼陳言嘗評其得失於三因方，發醫杜收者又附益之，頗為詳備。

趙氏瑩校增產乳備要

佚

趙瑩序曰：婦人產育，雖曰常事，其實甚危。調護或失，其宜藥石或乖其用，則為害不細。此前輩所以諄諄于方論之間也。余友人得產乳備要，乃盱江傅君教授常刊于澧陽郡庠，因以家藏舊本稍加校正，增以楊子建七說，并產論同為一集。鈔木以廣之，庶幾有補千萬一云。

冀氏致君校附產育保慶集

二卷

存

冀致君序曰：一日過醫公李寧之家，示一書曰：產育寶慶集。披讀一二，蓋宋儒李師聖郭稽中楊子建輩之所編集。至生產篇曰：婦人懷胎，有七月八月九月十月而產者，亦有經一年至二年四年五年而後產者。蓋人之生，陰注陽定，自有時日，不可改移。今獨限以十月，似為未盡。讀不終篇，不覺屢嘆。惜乎此書在世希有，若能廣傳，使天下共知，則人生安得罹殤夭之禍乎？意謂婦人方經雖多，而產書難其全者，若是一

或廢失世間必不復有也。因問誰氏之書，公曰：外郎楊士表所秘藏也。輒親往謁告，以情實求之，忻然見許，遂得原書印本。方議刊行，公曰：此止一產書也。若更將御藥院雜病方論，并入月產圖體，元子借地法，安產藏衣方位，附之，合為一集，可為完書矣。余喜從之，猶恐有錯繆未盡者，更命諸名醫復加校正。余謂公曰：書則完矣，當如之何矣。參謀周德甫閱之，毅然贊成，遂命工刊行。自今以始，庶令妊娠得安，產媪無失家，自可以修藥人，自可以為醫來者可知，而傳之愈廣矣。冀致君序。

四庫全書提要曰：產育寶慶方二卷，不著撰人名氏。宋史藝

文志以為郭稽中撰，考陳振孫書錄解題，郭稽中特因李師聖所得舊本，增以新方，非所自撰。宋史所載似未見陳氏說也。然稽中所增，合原論共為一卷，與此本不合。以卷首諸序考之，蓋括蒼陳言撰三因方，嘗取其方論各詳得失，娶醫杜蒧，因採其所評，附入各條之下。後趙瑩得產乳備要，增以楊子建七說，合於產論為一集。有冀致君者，又掇御藥院雜病方論及入月產圖體，元子借地法，安產藏衣方位，綴于其末，是輒轉增益，已非郭氏之舊。特沿其舊名耳。其書世罕傳本，今載於永樂大典者，得論二十一，陳言評十六，方三十四，為一卷。產乳備要暨經氣妊娠等證，方六十二，為一卷。其體元

子借地法永樂大典佚不載今亦闕焉按胎教之法古人所重賈誼新書所引青史之記劉向列女傳所記大任育文王之事尚可見其崖畧惟產育方藥則罕專書唐書藝文志有答殷產寶一卷始別立一門今其書不傳則譜妊育者當以是書爲最古矣卷中惟陳言之評標識姓名餘皆不標爲誰說今以原本體例推之上卷之方皆出郭氏下卷婉乳安產經氣三條外殆即楊氏之說所附方藥殆既冀致君所採御藥院方也陳言即撰有三因方者楊子建名倓有楊氏家藏方今未見李師聖等皆南宋人冀致君序稱諸人爲宋儒又稱近在燕趙間蓋元人云

李調元序曰此書本名產育寶慶集方相沿俱作寶慶集蓋因脫落方字而誤今姑仍其舊云

按是書已非郭氏之舊係于後人所增附今尋其源委各列其目唯趙瑩所鈔閱其序則似產乳備要然寓齋老人序有此產育寶慶之書所以倡廣其傳也語乃知其以產乳備要附乎是書趙字德修爲宋公之族云楊子建名康侯號退修元符間人著有護命方通神論已著于錄楊倓字子靖淳熙中人此著家藏方者提要以爲一人失考

鄭氏汝明胎產真經

二卷

存

熊宗立曰郭稽中作產後二十一論與唐時賢胎前十八論合謂之胎產真經

按靈蘭二集所收時氏產經即是書也蓋時氏原本凡十八問鄭汝明以博物妊娠謹所感說孫思邈并楊崔等說郭氏廿一論十產論附為二卷書成于嘉定改元

沈氏虞卿衛生產科方

宋志一卷

佚

沈氏炳產乳十八論

宋志註曰卷亡

佚

朱氏端章衛生家寶產科方

宋志八卷

未見

錢曾曰產科備要八卷長樂朱端章以所藏諸家產科經驗方編成八卷淳熙甲辰歲刻校南康郡齋楮墨精好可愛首列借地禁草禁水三法古人于產婦入月慎重若此罕有行之者亦罕有知之者矣

亡名氏產科經真環中圖

宋志一卷

佚

陸氏子正胎產經驗方

書錄解題一卷

佚

亡名氏產寶諸方

書錄解題一卷

未見

陳振孫曰不著名氏集諸家方而以十二月產圖冠之

四庫全書提要曰產寶諸方一卷不著撰人名氏宋史藝文志不載惟陳振孫書錄解題有之自明以來諸家書目亦罕有著錄者今檢永樂大典所載尚得七十餘方又有十二月產圖一卷與振孫所記竝合蓋即宋時之原本又別有序論一首王卿月序一首文皆殘闕當亦原書之佚文也其方於保產之法頗為賅備而原第為永樂大典所亂已不可復考謹詳加釐訂以類分排首調經養血次安胎次胎中諸病次催生次產後次雜病仍為一卷其所引各方多為後人所承用如人參飲子一方與朱震亨所制達生散雖品味多寡不同而以大腹皮為君人參為輔命意無異知震亨實本此而

增損之又如張元素以枳殼白朮爲束胎丸後人以爲不宜於藜藿之軀易以白朮黃芩相治至今爲便產良方不知亦本是書所載之枳殼湯又今時治產後血風有所謂舉卿古拜者核其所用惟荊芥一味即此書之青金散蓋荊芥主治風素問東方主風而肝屬於木平肝木即所以助肺金故以青金爲名後人竊用其方而又翻切荊芥字音詭名以炫俗耳凡此之類可以證古今傳授之由惟所用多降氣破血之品辛熱震動之劑則古人稟厚可受攻伐有未可概施於後來者此則神而明之存乎其人矣

陳氏自明婦人大全良方

二十四卷

存

自序曰世之醫者於婦人一科有專治婦人方有產寶方治以專言以專攻也方以寶言愛重之也蓋醫之術難醫婦人尤難醫產中數證則又險而難彼其所謂專治者產寶者非不可用也綱領散漫而無統節目詳略而未備醫者盡於簡易不能深求徧覽有才進方一不效輒束手者有無方可據揣摩臆度者有富貴家鄙藥賤而不服者有貧乏人憚藥貴而無可得服者有醫之貪利以賤代貴失其正方者古云看方三年無病可治治病三年無藥可療又云世無難治之病

有不善治之醫藥無難代之品有不善代之人此之謂也僕三世學醫家藏醫書若干卷既又徧行東南所至必盡索方書以觀暇時閉關淨室繙閱涵泳究極未合採摭諸家之善附以家傳經驗方秤而成編始自調經訖于產後凡八門門數十餘證總二百六十餘論後有藥藥不惟貴賤惟效綱領節目粲然可觀庶幾病者隨索隨見隨試隨愈僕於此編非敢求異昔人也蓋亦補其偏而會其全聚於散而歛於約期決無憾云愚者千慮必有一得君子毋以人廢言時嘉熙元年八月良日建康府明道書院醫諭臨川陳自明良父序

自
四庫全書提要曰婦人大全良方二十四卷宋陳自明撰自明字良父臨川人官建康府醫學教授是編凡分八門首調經次眾疾次求嗣次胎教次妊娠次坐月次產難次產後每門數十證總二百六十餘論後附方案婦人專科始唐咎殷產寶其後有李師聖之產育寶慶集陸子正之胎產經驗方大抵卷帙簡略流傳亦尠自明採摭諸家提綱挈領於婦科證治詳悉無遺明薛己醫案曾以己意刪訂附入治驗自爲一書是編刻於勤有書堂猶爲自明原本前有嘉熙元年序稱三世學醫家藏書若干卷又徧行東南所至必索方書以觀其用心亦可云勤矣

熊氏宗立婦人良方補遺大全

醫藏目錄二十四卷

存

薛氏已校註婦人良方

國史經籍志二十四卷

存

凡例曰各論有重複闕畧悉遵素難及歷代名醫治法增減
庶灼見本證病因不致紛雜難曉一各論有陳無擇熊鰲
峯二先生評論治法去繁就簡併入本論以便觀覽一諸
治驗原隨方者悉從其舊若詞義重複者刪之以便覽閱

一補遺第二十四卷各卷已備不錄今補繭屑等一十四證
方論足成其卷

亡名氏濟生產寶論方

國史經籍志二卷

存

按是書亡撰人名氏嘉靖乙未雙峯王子冲序稱南都
雷氏子鳴大震類集諸書間嘗檢閱得宋板醫書一帙
名曰濟生產寶論方云國史經籍志誤爲徐明善所著
蓋徐亦嘉靖中人校正是書者也

張氏元素產育保生方

佚

按右出于醫學源流

李氏辰拱胎產救急方

一卷

存

李辰拱自序曰延平正心李辰拱壯歲遊三山獲從仁齋楊先生遊氣味相投因以傷寒總括見授且語之曰治雜病有方治傷寒有法一法既通其餘可觸類而長矣來歸舊隱迺取先生活人治例演而伸之編爲傷寒集成方法研精覃思三十餘年方克成編靖思先生所刊活人總括直指方論醫

學真經嬰兒證治傳施四方家傳人誦獨於胎產一科闕焉遂採摭古今効驗方書爲胎產救急方板行施人以續先生未盡之仁客有誚余曰扁鵲聞邯鄲貴婦人遍彼即爲帶下醫子携此而遊邯鄲予應之曰滔滔者天下皆是也前哲能事非敢僭擬是編蓋將補仁齋老師施方之闕也客曰如其仁何因題篇端以記歲月延祐五年戊午暮春之初書于濟安樂院

朱氏震亨產寶百問

五卷

存

按是書未知果是朱氏所著否。有王肯堂序，唯稱產寶古名典公器也。又不言成于何人手，想是書估託二公盛名，併序文而偽撰者歟。文淵閣書目有產寶百問一部，一冊闕，當非是書。錢國賓文科百病問答與是書全然相同，可疑。

產寶

一卷

存

按是書亦託于丹溪朱氏者。書凡三十五則，編中專用生化湯為諸方之主考。此原出于景岳全書新方八陣

中，則其出于明季人者可知矣。南山單養賢著三論以爲增補。

醫籍考卷七十二

矢島玄碩寫

